



Broj: 03/1-50-14-7-5-16-7/16
Sarajevo, 1. 2. 2016.

**PREDMET: Informacija o posjeti Komisiji za saveznu vojsku Parlamenta Austrije,
Beč, Republika Austrija (23. i 24.11.2015.)**

Na poziv predsjednika Komisije za Saveznu vojsku Parlamenta Republike Austrije Otta Pendl, predsjedavajući Zajedničke komisije za odbranu i sigurnost BiH Sifet Podžić i parlamentarni vojni povjerenik Boško Šiljegović kao i Željko Grubešić, stručni savjetnik u Uredu sekretara ZK, boravili su u radnoj posjeti Parlamentu Austrije.

Tokom sastanka s predsjedavajućim i članovima Komisije za saveznu vojsku Parlamenta Republike Austrije Ottom Pendlom, Reinhardom Eugenom Boschom i Michaelom Hammerom razmijenjena su mišljenja i pozitivne prakse u radu Zajedničke komisije za odbranu i sigurnost BiH i Ureda parlamentarnog vojnog povjerenika BiH, te Komisije za saveznu vojsku. Posebno je razgovarano o aktuelnoj sigurnosnoj situaciji u regionu, te migrantskoj krizi i raznim oblicima radikalizma koji širom svijeta pogađa sve više nevinih ljudi.

Podžić i Šiljegović prisustvovali su i godišnjem skupu i prijemu, koji je u Parlamentu Austrije upriličen u organizaciji Komisije za saveznu vojsku. Tokom prijema prisutnima su se obratili drugi predsjedavajući Parlamenta Austrije Karlheinz Kopf, austrijski ministar odbrane Gerald Klug, kao i članovi Komisije za saveznu vojsku Parlamenta Austrije.

Tokom boravka u Beču, Podžić i Šiljegović posjetili su i Ambasadu BiH u Republici Austriji, gdje su ih ambasador Tomislav Leko i njegovi saradnici upoznali s aktuelnim stanjem bilateralnih odnosa Bosne i Hercegovine i Republike Austrije. Sastanku s ambasadorom Lekom prisustvovao je i stalni predstavnik Bosne i Hercegovine pri OSCE-u, Uredu UN-a i drugim međunarodnim organizacijama u Beču ambasador Sanjin Halimović.

Predsjedavajući komisije
Sifet Podžić